

ԹԱՐԳՄԱՆՉԱՑ ՏՈՆԸ ԿԱԼԿԱԹԱՅԻ ՀԱՅՈՑ ՄԱՐԴԱՍԻՐԱԿԱՆ ՃԵՄԱՐԱՆՈՒՄ

Հոկտեմբերի 13-ին Կալկաթայի հայոց Մարդասիրական ճեմարանում մեծ հանդիսավորությամբ նշվեց Թարգմանչաց տոնը: Այս առիթով ճեմարանի սաների կողմից պատրաստվել էր հանդես-երեկույթ՝ նվիրված Թարգմանչաց տոնին:

Հանդիսությունը սկսվեց Տերունական աղոթքով, այնուհետև բացման խոսքով ներկաներին ողջունեց հանդեսի կազմակերպչուհի, հայոց լեզվի և գրականության ուսուցչուհի օրիորդ Իվետա Գրիգորյանը: Օրվա խորհրդի և տոնի մասին բանախոսությամբ հանդես եկավ Մարդասիրական ճեմարանի վարչական տնօրեն Բարեշնորի Հարություն սրկ. Համբարձումյանը:

Գեղարվեստական երեկույթը հազեցած էր շարականների ու երգերի կատարմամբ, արտասանություններով, ինչպես նաև թատերական բեմադրությամբ: Հանդիսության ավարտին փակման և օրհնության խոսքով ներկաներին դիմեց հնդկահայոց հոգևոր հովիվ և հայոց Մարդասիրական ճեմարանի կառավարիչ Հոգեշնորի Տ. Օշական վրդ. Գյուլգյուլյանը՝ իր խոսքում անդրադառնալով Աստվածապարզ և հայոց նշանագրերի արժեքին ու նշանակությանը, ինչպես նաև հորդորեց սաներին երբեք չմոռանալ իրենց մայրենի լեզուն, քանի որ դրանց շնորհիվ է, որ այսօր պահպանել ենք մեր հավատքը և մշակույթը, ունենք գիր ու գրականություն և ազգային նկարագիր:

Հանդիսությունը փակվեց «Պահպանիչ» աղոթքով:

ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ